

hand / summir zu samen die ersten figur / komet eyne
 zal die du mit einer figur schreybenn magst / so setz sie
 gleich dar vnter / entspringt aber eine mit zweyen figur
 so schreib die erst gleich darunter / die ander behalt / dar
 nach summir zusammen die andern figur / gib darzu das
 du behalten hast / vnd schreyb abermals die erst figur /
 wo zwo vorhanden / vnd thu des gleichen hinfurt mit al
 len figur / bis auff die letzten / die schreib gantz aus / so
 hastu wie viel ynn einer summa komet / als folgende ex
 empel außzweyen.

78312	68975	37064
87547	87496	52086
165859	156471	89150

Proba.

Tun soltu wissen das ich hierinnē zweyerley proben ge
 brauchē wil / ist die erste das ein species die ander prob
 birt / die ander ist mit 9. also / wu ff 9. hinweg als oft du
 magst / was dann vnter 9. bleybet / behalt fur dein prob
 als hie durch die erste prob zu probiren / so nym die o
 bern zwo von der vndern / bleybet nichts vberig / so ist
 es recht / Aber mit der andern prob / nym 9. hinweg von
 den obern / als oft du magst / das bleybent ist dein prob
 so dann von der vndern zal auch so viel komet / so hastu
 yhm recht gethan.

Subtrahirn.

Lernt wie du eine zal von der andern nemen solt / thu
 yhm also setz obē die zal dauon du nemē wilt vñ die du
 abnemē wilt gleich darunder wie ym summirn / darnach
 mach ein linthen darunder / vñ heb zu foderst an wie ym
 addirn / nim die erste der vndersten zal vō der erstē figur
 der obersten zal was dan bleibt setz vnden / darnach nim
 die ander figur der vnder zal / vō der andern / der ober
 sten zal